



元和郡縣圖志卷第十四

河東道四

太原府

下

嵐州

石州

忻州

代州

蔚州

朔州

雲州

嵐州

棲煩下

開元

戶一萬

七百

二十六

鄉三十三

卿三十三

卿三十三

卿三十三

本并州之域春秋屬晉晉滅後為胡棲煩王所居趙武靈王破以為縣秦為太原郡地在漢即太原郡之汾陽縣地也漢末大亂匈奴侵邊自定襄已西盡雲中鴈門西河之間逐空建安中曹公糾率散亡立新興郡晉末陷劉元海後魏於今理置嵐州因州西岢



晉崑崙山為名也大業四年於靜樂縣界置棲煩郡因漢樓煩縣為名隋亂陷賊武德四年平劉武周置東會州六年省東會州重置嵐州天寶元年改為棲煩郡乾元元年復為嵐州

州境

東西三百一十里
南北二百七十八里

八到

南至上都取太原路一千五百八十里取石隰路一千三百七十五里
東南至東都一千一百一十里
東至忻州二百四十里
東北至代州三百里
西至黃河一百八十里
河上有合河關從關西至麟州百重

貢賦

開元貢 熊皮 麻 石蜜

管縣四

宜芳

靜樂

合河

嵐谷

宜芳縣

部下

開元戶三千四百八十七 鄉十一

本漢汾陽縣地屬太原郡後魏於此置崑崙縣開皇十八年改為汾源縣大業四年改汾源為靜樂縣八年汾靜樂置嵐城縣屬棲煩郡武德四年改為宜芳縣崑崙山在縣北九十八里高二千餘丈西北與雪山相接

崑崙鎮在縣西北九十八里

秀容故城在縣南三十里劉元海感神而生姿容秀美因以為名也

靜樂縣

上 西至州 四十五里

開元戶三千四百八十七

鄉七

本漢汾陽地域內有堆阜三俗名三堆城開皇三年自今宜芳縣北移岢嵐縣於三堆城十八年改爲汾源縣大業二年改爲靜樂縣武德四年於縣置北管州因管涔山爲名六年省縣屬嵐州

管涔山在縣北一百三十里汾水源出焉初劉曜隱於此山山神使二童子獻劍於曜曰管涔山王使謁趙皇帝獻劍

伏伐城在縣北八十里隋樓煩郡所理也

隋汾陽故宮在縣北百二十里

樓煩關在縣北百五十里

天池在縣北燕京山上周迴八里陽旱不耗陰霖不溢故老言嘗有人乘車風飄墮池有人獲車輪於桑乾泉後魏孝文帝以金珠穿魚七頭放此池後亦於桑乾泉得之隋煬帝嘗於池南置宮每夜風雨吹破宮竟不成今池側有祠謂之天池祠

合河縣

中

東至州百八十里

開七戶一千八百五十九

鄉四

本漢汾陽縣地後魏於蔚汾谷置蔚汾縣屬神武郡開皇三年罷郡縣屬石州大業二年改爲臨泉縣四年屬樓煩郡武德七年改爲臨津縣屬嵐州貞觀元年改爲合河縣以城下有蔚汾水西與黃河合故曰

合河

黃河在縣西二里

合河關在縣北三十五里

蔚汾關在縣東七十里

隋長城起縣北四十里東經幽州延袤千餘里開皇

十六年因古跡修築

嵐谷縣

中

南至

開元戶四千六百五十七 鄉九

隋大業中置岢嵐鎮壁草城川賊路長安三年於此
置嵐谷縣景龍年廢開元十二年重置因取嵐谷為名

石州

昌化

開元戶九千二百六十一

鄉三十二

禹貢冀州之域虞及周屬并州春秋時屬趙亦為白

狄之地今步落稽其胄也在秦為西河郡之離石縣

靈帝末黃巾大亂百姓南奔其郡遂廢魏黃初三年

復置離石縣晉惠帝末劉元海起於河西攻陷郡縣

其離石又沒於賊石勒時改為永石郡後魏明帝改

為離石鎮高齊文宣帝於城內置西汾州周武帝改

為石州大業二年又為離石郡武德元年改為石州

五年置總管七年改為都督貞觀六年復為石州

州境

東西北一百九十里

八到

西南至上都一百六十里

東南至東都一千九十里
西渡河至綏州二百三十里

正南微東至隰州二百五十里
北至崖州二百四十里

貢賦

關之貢 胡布一端 龍須席五領 麝香 蜜蠟 賦麻布

管縣五 離石 平夷 定胡 臨泉 方山

離石縣 中郭下 開元戶二千七百七十二 鄉五

本漢舊縣也屬西河郡縣東北有離石水因取名焉
漢末荒廢魏黃初復置後陷劉元海石勒改為永石
郡高齊文宣帝於此置昌化縣屬懷政郡後周復為
離石屬石州隋代不改皇朝因之
離石山今名赤洪嶺在縣西五十步高歡大破爾朱
兆於赤洪嶺蓋此處也

盧城在縣東二十里晉并州刺史劉琨所築以攻劉曜

平夷縣 北至州二十一里 開元戶一千五百七十一 鄉四

本漢離石縣地周宣帝割縣西五十一里置平夷縣
屬石州隋氏不改皇朝因之

黃河西去縣四十五里

寧鄉水在縣西南一百五十步

定胡縣 中東至州九十五里 開元戶二千六百九 鄉五

本漢離石縣地周宣帝大象元年於此置定胡縣隋
因之武德三年於縣置西定州貞觀二年廢州置孟
門縣七年廢縣為孟門鎮八年廢鎮復為定胡縣

黃河去縣西二百步

孟門關在縣西一百步河東岸

臨泉縣 中下南至州一百七十里

開元戶一千五百九十六

鄉五

本漢離石縣地周大象元年於此置烏突郡烏突縣
隋開皇元年改烏突郡為太和郡烏突縣為太和縣
三年廢郡以太和縣屬石州武德三年改太和為臨

泉縣

臨泉水在縣北一百步縣因此水為名

黃河在縣北二十里

方山縣

中南至州九十里

開元戶

一千二百五十三

鄉四

本漢離石縣地高齊文宣帝於此縣北六十八里置
良泉縣屬離石郡大業三年移就今縣南三十五里
方山置故名方山貞觀十一年移於今理

赤洪水在縣南五十里

三角戍在縣北七十三里

忻州

定襄

開元戶

萬四千四百三十八

鄉二十八

本并州之域春秋時為晉地戰國為趙地秦為太原
郡地今州即漢太原郡之陽曲縣也按漢陽曲縣在
今州東四十五里定襄縣理是也後漢末大亂匈奴
侵邊自定襄已西盡雲中鴈門之間遂空曹公立新

興郡以安集之理九原即今州是也後魏宣武帝又於今州西北十八里故州城移肆州理此因肆盧川為名也開皇十八年改置忻州因州界忻川口為名也大業二年省忻州義旗初又置新興郡武德元年廢郡復置忻州二年陷劉武周四年武周平依舊置

忻州

州境

東西一百四十五里
南北八十六里

八到

西南至上都一千四百四十里
東北至代州一百六十里

南至東都一千七十里
西至嵐州二百四十里

貢賦

開元貢

麝香

箭十五石

賦麻布

管縣二

秀容 定襄

秀容縣

郭下

開元戶七千一百三十八

鄉十一

本漢陽曲縣地屬太原郡後漢末於此置九原縣屬新興郡後魏莊帝於今縣東十里置平寇縣開皇十八年於此置忻州又於今縣西北五十里秀容故城移後魏明元所置秀容縣於今理屬忻州國朝因之濬洹水在縣東三十二里
定襄縣 上 東至州 開元戶五千三百三十二 鄉十七
本漢陽曲縣屬太原郡黃河千里一曲縣當其陽故曰陽曲後魏末移陽曲縣於太原界仍於此城置定

本漢廣武縣地屬太原郡後漢改屬鴈門郡開皇三年罷郡縣仍屬肆州後改肆州為代州縣屬不改十年改廣武縣為鴈門縣蓋避太子之諱也國朝因之夏屋山在縣東北三十五里史記曰趙衰于北登夏屋誘代王使厨人操銅斗擊殺之遂有代地

勾注山一名西陘山在縣西北三十里晉咸寧元年勾注碑曰蓋北方之險有盧龍飛狐勾注為之首天下之阻所以分別外內也漢高祖欲伐匈奴不從婁敬之說械繫於廣武遂喻勾注困於平城謂此地也

河神祠在縣南開元九年并州長史張說奏置

繁峙縣 中 四 五 開元戶一千五百九十二 鄉五

本漢舊縣屬鴈門郡漢末匈奴侵寇舊縣荒廢晉又置繁峙縣周省隋開皇十八年重置於今縣東六十里大堡戍大業十二年移於武州城聖曆二年以縣在平川難於固守遂東移於今理其城三面枕澗東接峻岨極為險固

秦戲山一名武夫山在縣東南九十里滹沱水出焉

五臺縣 中 西北至州 開元戶二千一百六十五 鄉四

本漢慮僦 上音同 下音同 縣屬太原郡因慮僦水為名也晉省後魏孝文帝復置即今縣理是也屬興新郡高齊

改屬鴈門郡大業二年改為五臺縣因山為名也
五臺山在縣東北百四十里道經以為紫府山內經
以為清涼山

慮侏水在縣北十五里

唐林縣 中 東北至州 一百一十里

本漢廣武縣地證聖元年分五臺崞二縣置武延縣

唐隆元年改為唐林縣

漳沔水在縣東

沙河在縣南二里

崞縣 中 東北至州 五十里 開元下二二二四十八 鄉五

本漢舊縣因山為名屬鴈門郡漢末荒廢晉初又置
魏改為崞山縣後魏宣武帝移鴈門郡理此開皇十
年移平寇縣於此屬代州大業二年改為崞縣
漳沔水在縣東二百步

蔚州 與唐 開元下四千八百八十七 鄉十一 元和下一千五百六十三 鄉十二

禹貢冀州之域虞及周屬并州周禮并州川曰漚夷
浸曰來易今漚夷在靈丘漆陽在飛狐皆在州境春
秋時其地屬晉戰國時屬趙襄子殺代王有其地後
武靈王置雲中鴈門代郡秦亦為代郡漢元年項羽
徙趙王歇為代王二年陳餘迎歇還趙歇又立餘為

代王三年韓信斬陳餘置代郡領縣十八東魏孝靜
帝又於此置北靈丘郡周宣帝於今理置蔚州大業
三年罷州置鴈門郡武德四年平劉武周重置蔚州

州境北也

八到西南至上都二千里

南至東都一千六百三十里

東北至鵠州界北嶺關一百里

從關至鵠州一百五十里

東南至易州山路三百六十里

東南至定州收轆轤山路四百九十里

貢賦

開元貢 熊皮 豹尾 氍毹布

管縣三

興唐

靈丘

飛狐

興唐縣下

開元戶一千四百一十二

鄉四

本靈丘縣也開元十二年於州東北一百三十里橫
野軍子城南置安邊縣屬蔚州天寶元年改為安邊
郡仍自靈丘移州理於安邊城至德二年改為興唐
郡仍改安邊縣為興唐縣
倒刺山在縣東七十里亦號雪山俗傳靈仙居所興
五臺山略等
漚夷河亦曰瓠瓠河上槽狹下流闊有似瓠瓠因名
大韭多生於山野及平 大韭魏孝文所種以濟軍
須後沃壤處皆長三尺葉廣於馬蘭但味少短耳
橫野軍置在州城內

靈丘縣 中 東北至州 一百三十里

開元戶二千四百二十一 鄉五

本漢舊縣屬代郡後漢省東魏恭靜帝重置屬靈丘郡隋開皇三年罷郡縣屬蔚州大業二年省蔚州改屬代州隋末陷賊武德六年又置靈丘縣屬蔚州
太白山在縣南十里山有鍾乳穴其深不測仰望穴中乳如懸穗焉

石銘陁嶺在縣西北八十里上有石銘題言冀州北界故謂之石銘陁
隘門山亦曰隘口在縣東南十五里壁立直上層崖刺天有古道極險陁後魏明元帝置義倉之所

漚夷水一名漚水出縣西北向定山周禮曰并州其川漚夷謂此也

茲水出縣西枝迴山懸河五丈湍激之聲響動山谷
樵械之士咸由此度巨木淪渚义乃方出或落崖石無不粉碎

開皇長城西自繁峙縣經縣北七十里東入飛狐縣界趙武靈王墓在縣東三十里

飛狐縣 下 西至州 一百五十里 開元戶九百七十二 鄉三

本漢廣昌縣地屬代郡後漢屬中山國晉又屬代郡開皇三年改屬蔚州仁壽元年改為飛狐縣因縣北

飛狐口爲名也隋末陷賊武德六年重置寄理今易州遂城縣界遙屬州貞觀五年移還今所

磨笄山在縣東北一百五十里趙襄子姊爲代王夫人襄子旣殺代王迎其姊夫人曰以弟慢夫非仁也以夫怨弟非義也磨笄自刎百姓閔之爲立祠

倒刺山在縣東北百二十里出佳大黃

飛狐道自縣北入媯州懷戎縣界即古飛狐口也鄴食其說漢王曰杜白馬之津塞飛狐之口此言皆一方之阨也又劉琨自代出飛狐口奔於安次亦謂此道也

三河治舊置鑪鑄錢至德已沒廢元和七年中書侍郎平章事李吉甫奏臣訪聞飛狐縣三河治銅山約數十里銅鑛至多去飛狐錢坊二十五里兩處同用拒馬河水以水解銷銅比方諸處鑄錢人工絕省所以平日三河治置四十鑪鑄錢舊跡並存事堪覆實今但得錢本令本道應接人夫三年已來其事即立救河東困竭之弊成易定接接之形制置一成久長獲利詔從之其年六月起功至十月置五鑪鑄錢每歲鑄成一萬八千貫時朝廷新改易定河東道久用鐵錢人不堪弊至是俱受利焉

朔州

馬邑

開元戶六千二十九
元和戶七百二十九

鄉十三
鄉十六

禹貢冀州之域虞及周為并州之地春秋時為北狄地戰國時為趙秦為鴈門郡地在漢即鴈門郡之馬邑縣也史記曰匈奴圍韓王信於馬邑信降匈奴按馬邑即今州理是也漢末大亂郡遂荒廢建安中曹公又立馬邑縣屬新興郡晉改為鴈門郡晉亂其地為猗盧所據劉琨去盧為大單于封代公徙馬邑後魏都代地屬畿內孝文遷洛之後又於定襄故城置朔州舊滎之亂州郡又廢高齊文宣帝又於馬邑城置朔州即今理是也武成帝直北道行臺周武帝置

朔州總管開皇罷總管大業二年罷州為馬邑郡皇

朝改為朔州

州境

東四百里
西北九十七里

八到

西南至上都一千七百里
東至蔚州三百八十里
北至單于都護三百五十里
東北至雲州三百四十里

南至東都一千三百五十里
西南至嵐州一百七十四里

貢賦

開元貢 白鴉計四具

管縣二

鄆陽 馬邑

鄆陽縣

鄆中下

開元戶三千六百五十八

鄉十八

本漢馬邑縣屬鴈門郡漢末荒廢建安中又置屬新興郡晉又屬鴈門郡晉末又廢高齊於此置招遠縣

屬郡不改開皇三年罷郡改屬朔州大業元年改為
鄯陽縣

勾注山在縣東八十里

河水在縣西三百里

州城本漢馬邑城也昔秦人築城於西周塞以備胡
城將成而崩者數矣有馬馳走周旋反覆父老異之
因依而築城乃不崩遂名馬邑

馬邑縣

州中

西至三十里

開元戶二千二百八十

鄉五

本鄯陽縣地開元五年分鄯陽縣於州東三十里大
同軍城內置馬邑縣建中年河中節度使馬燧權移

州於馬邑縣焉

桑乾河在縣東三十里

雲州

唐中

開元戶三千一百六十九

鄉七

禹貢冀州之域虞及周屬并州春秋時為北狄地戰
國時其地屬趙其後武靈王自代至高闕為塞而置
雲中鴈門代郡今州即秦鴈門郡地在漢鴈門郡之
平城縣也史記曰漢七年韓王信亡走匈奴上自將
遂遂至平城為匈奴所圍用陳平祕計得出是也漢
末大亂匈奴侵遼自定襄以西雲中鴈門西河遠空
曹公鳩集荒

平城縣屬新興郡晉又改屬鴈

門晉亂劉琨表封虛為代王都平城後魏道武帝又於此建都東至上谷軍都關西至河南至中山隘門塞北至五原地方千里以為甸服孝文帝改為司州收置代尹孝文遷都洛邑改置恒州孝昌之際亂離尤甚恒代之北盡為丘墟高齊文宣天保七年置恒安鎮徙豪傑三千家以實之今名東州城其年廢鎮又置恒州周武平齊州郡並廢又於其所置恒安鎮屬朔州自周迄隋仍為鎮也隋亂隋賊武德四年平劉武周置北恒州七年廢貞觀十四年自朔州北界定襄城移雲州及定襄縣於此後為默啜所破移

百姓於朔州開元十八年復置雲州及雲中縣

州境東西一百七十七里
南北四百九十里

八到西南至上都一千九百六十里
東至幽州七百里

南至東都一千五百九十里
東至清塞城一百二十里

又東至天城軍六十里 又東至約峰守捉九十里與幽州分界
西至靜邊軍一百八十里 西南至太原府七百里

貢賦 鴨翎五具

管縣一 雲中

雲中縣中本漢平城縣屬鴈門郡漢末大亂其地遂空魏武帝又立平城縣屬新興郡晉改屬鴈門郡後魏於此建都屬代尹孝文改代尹為恒州縣屬不改隋為雲內縣屬馬邑郡貞觀十四年朔州北界定襄

城移於此後為默所破移百姓至朔州開元十八年
改置雲中縣屬雲州

白登山在縣東北三十里

火山在縣西五里山有火井深不見底以草投之則
煙騰火發有火井祠

紇真山在縣東三十里虜語紇真漢言三十里其山
夏積雪霜

單于臺在縣西北四十餘里漢武帝元封元年勒兵
十八萬騎出長城北登單于臺即此也

元和郡縣圖志卷第十四

元和郡縣圖志卷第十五

河東道五

澤潞節度使

今為澤潞節度理所

潞州

上黨天都督府

開元戶六萬四千二百七十六
元和戶一萬七百八十

鄉一百三十五
鄉一百二十

晉州五

潞州

澤州

邢州

洛州

懿州

邢懿

洛本河北道今隸
澤潞節度管五

縣三十七

都管戶二萬六千二百四十三

禹貢冀州之域殷時為黎國春秋時屬晉又兼有潞
子之國潞子嬰兒為晉所滅戰國時屬韓別為都以

其遠韓近趙至趙孝成王時馮亭以上黨降趙復為趙地秦為上黨郡地後漢木董卓作亂移理壺關城即今州理是也周武帝建德七年於襄垣縣置潞州上黨郡屬焉開皇十年罷郡自襄垣縣復移潞州於壺關即今州是也州得名因潞子之國武德元年又於襄垣縣置韓州貞觀十七年廢開元七年以玄宗歷試嘗在此州置大都督府

州境

東西二百九十三里
南北三百三十六里
西南至上都一千三百三十里
南至東都四百七十里
北至儀州三百一十里
東北至潞州四百五十里

東至六經嶺路至相州三百七十里

西至晉州三百一十里

東南至澤州一百八十二里

貢賦

開元貢 人參 墨賦 麻布

管縣十

上黨

長子

屯留

潞城

壺關

黎城

銅鞮

鄉縣

襄垣

涉縣

上黨縣

望 郭下

開元戶一萬一千三百八十三

鄉二十一

本漢壺關縣也開皇中分壺關置上黨縣屬潞州釋

名曰黨所也在於山上其所最高故曰上黨

鷄鳴山一曰火山在縣東南七十六里

濁漳水在縣西南二十二里

州城漢壺關縣也上黨記曰曹公之圍壺關起土山於城西北角穿地道於城西內築界城以遮之五龍祠在縣東南二十里五龍山上慕容永所立以祭五方神

馮亭墓在縣西五里

長子縣

紫 東北至 府五十二里

開元戶二萬二百六十六

鄉

漢舊縣本春秋時地名左傳曰晉人執衛石買於長子是也慕容永僭號於此稱西燕為慕容垂所滅開皇九年移寄氏縣理此屬潞州十八年改寄氏為長子縣發鳩山在縣西南六十五里潏漳水出焉

羊頭山在縣東五十六里後以安帝時羌寇河東以任尚為御史擊破於羊頭山謂此也

神農城後魏風土記曰神農城在羊頭山上山下有神農泉即神農得嘉穀之所

武訖嶺在縣南四十五里風土記曰秦趙戰於長平趙軍敗退秦將白起逐至此名曰武訖嶺

屯留縣

上 東南至 府六十四里

開元戶八千一百六十六

鄉十七

本晉邑春秋曰晉人執衛行人孫蒯於屯留是也漢以為縣屬上黨郡高齊省開皇中重置屬潞州絳水出縣西南方山去縣八十四里

潞城縣

上 州四十里

開元戶七千四百六十一

鄉十六

本漢潞縣屬上黨郡即春秋時赤狄潞子嬰兒國也
晉滅之後魏太武帝改潞縣爲剡陵縣屬襄垣郡隋
開皇十六年於此置潞城縣屬潞州

黃阜山在縣西北二十五里劉聰將綦母劼敗晉將
崔恕於黃阜

漳水一名潞水在縣北闕駟曰潞水在縣北爲冀州
浸即漳水也按王猛與慕容評相禦於潞川評鬻水
與軍人絹疋水二石則此無他大川可以爲浸所有
唯漳水耳故士俗尚謂濁漳爲潞水也

武王塢在縣西北四十里塢水有後魏天柱大將軍
爾朱榮碑文曰建義元年東討逆賊鎮堅葛榮軍次
上黨武王祠東有二狡兔從賊方而來天柱彎弓祝
之曰中則擒葛榮不中則否應弦而殪遂擒榮

壺關縣

上 西北至 濟三十里

本漢縣也屬上黨郡山形似壺古

於此置關故名壺關開皇十六年分壺關置上黨縣
大業二年省壺關併入上黨武德四年重置

羊腸坂在縣東南一百六里沾水出焉

漢壺關二尤今孤茂墓在縣東北一十九里上書明
度太子寃者

曹公壘在縣東南一百二里曹公攻高幹所築

黎城縣中一百二十里古黎國春秋曰晉荀林父滅

潞立黎侯而還今縣十八里黎侯城是也漢為潞縣

之地後魏太武改潞縣為剡陵縣開皇十八年改剡

陵為黎城縣武德初屬韓州貞觀十七年廢韓州屬潞州

古壺關在縣東二十五里春秋齊國夏伐晉取八邑

有孟口孟口即壺口也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣志二里

銅鞮縣一東至州一百五十里一本晉大羊舌赤邑時號赤曰

銅鞮伯華漢以為縣屬上黨郡開皇十六年改屬沁

州大業二年省沁州復屬潞州武德六年屬韓州貞

觀十七年廢韓州復隸潞州

石梯山在州西三十里

關與城在縣西北二十里史記曰秦昭襄王攻趙關

與趙奢曰其險狹譬如兩鼠鬪於穴中將勇者勝遂

破秦軍解與之圍

晉銅鞮寫在縣東十五里子產曰今銅鞮之宮數里

斷梁城在縣東北三十里下臨深壑東西北三面阻

澗廣袤二里俗謂之斷梁城

叔向墓在縣東十八里

鄉縣中 東至府一百一十里本漢涅氏地屬上黨郡晉始為武

鄉縣屬樂平郡石氏分上黨置武鄉縣屬焉開皇初

廢郡縣屬潞州晉縣元有武字後草創失其舊名

禿頂山在縣西北九十三里

石臼嶺在縣北六十五里

護甲水在縣西北八十里

襄垣縣上 南至州九十三里本莫舊縣屬上黨郡趙襄子所

築因以為名魏莊帝改屬襄垣郡開皇十六年改襄

垣城置韓州縣屬焉貞觀十七年廢州縣屬潞州

鹿臺山在縣南二十里

涅水在縣西北六十里

濁漳水在縣南二十一里

井谷關在縣東南四十里置在天井谷內深邃似井

因以為名魏武初遷鄴於此置關周建德六年廢

涉縣上 南至州一百八十里本漢舊縣屬魏郡因涉河水為名

晉屬廣平郡後省開皇十年於故涉城重置涉縣屬

磁州十六年改屬韓州貞觀十七年廢韓州縣屬潞

州清漳水一名涉河在縣南一里

澤州 高平

開元戶二萬一千三百三十五
元和戶三千五百二十七

鄉五十九
鄉五十

禹貢冀州之域春秋時屬晉戰國時屬韓魏後屬趙秦使白起破趙於長平即今州北高平縣西北二十里長平故城是也秦兼天下今州即上黨郡地又為上黨郡高都縣之地也後魏道武帝置建興郡孝莊帝改置建州周改建州為澤州蓋取濩澤為名也

濩澤音烏
怡交

州境

東西二百九十里
南北一百五十里

八到

西南至上都一千一百四十里
西南至東都二百八十里
北至潞州一百四十九里
北至太原府大略六百一十里

貢賦

東瑜山
元和貢
元和貢
白石英五十
白石英

人參
野鷄九十隻

賦麻布

管縣六

晉城 高平

陵川 沁水

陽城

瑞氏

晉城縣

郭上
郭下

本漢高都縣屬上黨郡開皇三年改屬

澤州十八年改為丹川縣因縣東丹水為名貞觀三

年改置成縣

太行山在縣南四十里禹貢曰太行恒山至于碣石

注曰二山連延東北接碣石

丹水出縣北十二里司馬山俗傳秦阮趙眾流血丹

川故名丹水斯為不經也

天井故關一名太行關在縣南四十五里太行山上

高平縣上州八十里南至本漢泫音氏縣屬上黨郡在泫水

之上故以為名後漢改為玄氏屬建興郡高齊文宣

帝省玄氏縣自長平高城移高平縣理之仍改高平

縣屬高都郡開皇三年改屬澤州

頭顱山一名白起臺在縣西五里秦阮趙眾收頭顱

築臺

米山在縣東十里趙將廉頗積糧此山因名

涇水在縣西北三十六里

長平故城在縣西二十一里白起破趙四十萬眾於

此盡殺之

長平關在縣北五十一里

陵川縣中一百四十里西至州本漢泫氏縣地開皇十六年於

此置陵川縣因川為名屬澤州

太行山在縣西南百里

沁水縣中州東南至二百里本漢端氏縣地後魏莊帝於此

置秦寧郡及東永安縣高齊省郡而縣存開皇十八

年改為沁水縣

沁水在縣東北五十二里

古王離城在縣東北五十里秦時王離擊趙所築四面絕險

陽城縣 中 東至州 一百一十里 本漢獲澤縣屬河東郡因獲澤

為名也改屬澤州天寶元年改屬為陽城縣

析城在縣西南七十五里

獲澤在縣西北十二里墨子曰舜漁於獲澤

端氏縣 中 南至州 一百里 本漢舊縣也史記曰趙成侯十六

年與韓魏分晉封晉君於端氏肅侯元年奪晉君端

氏徙處屯留漢以為縣屬河東郡晉屬平陽郡後魏

屬安平郡開皇三年罷郡屬澤州

石門山在縣西南四十一里

沁水在縣南一里

邢州 鉅鹿 開元戶五萬八千八百二十 鄉一百三十 元和戶三十六百九十二 鄉三十三

禹貢冀州之域亦古邢侯之國邢侯為紂三公以忠

諫被誅周成王封周公旦子為邢侯後為狄所滅齊

桓公遷邢于夷儀按故邢國今州城內西南隅小城

是也夷儀今龍峒縣界夷儀城是也春秋時屬晉後

三家分晉屬趙秦蕪天下於於此置信都縣屬鉅鹿郡

項羽改曰襄國蓋以趙襄子諡也趙歇為趙王張

耳為常山王並理信都襄國今州理龍峒城是也前

趙嘉平元年石勒屯兵許昌張賓說勒曰觀王彌有
王青州之心遲延未發者懼明公踵其後也明公獨
無并州之思乎勒從之遂長驅至鄴攻晉北中郎將
于三臺張賓又進曰三臺險固攻守未卒下王彭祖
劉越石大敵也宜及其未至密規進據牢城掃定并
薊桓文之業可濟也邯鄲襄國趙之舊都依山憑險
形勝之國可擇此二邑而都之王業可圖也勒於是
進據襄國王浚遣兵五萬人來討勒勒欲挑戰張賓
諫曰夫用兵當以己所便擊彼所不便今段末杯強
悍此宜示之以弱鑿北壘爲突門二十餘道伏精卒

候賊列守未定出其不意雷鼓奮勇直衝杯帳杯卒
既奔則彭祖可指辰而定也勒從其計遂生擒末杯
永嘉六年勒僭號遂定都焉至季龍徙都鄴爲襄國
郡石氏既滅罷之後魏復爲襄國縣開皇三年以襄
國縣屬洺州九年改爲龍岫縣十六年割龍岫等三
縣置邢州以邢國爲名也大業三年改爲襄國郡武
德元年改爲邢州置總管二年陷竇建德四年討平
之又爲劉黑闥所陷五年擒之依舊爲邢州

州境

東西二百八十二里
南北一百三十六里

八到

西至上都一千九百里
西南至果都八百四十里

東北石州一百九十里

東至貝州二百三十里

西踰山至儀州二百一十五里

東南至洛州一百二十里

貢賦 開元貢 文石獅子 絲布 綿絹

管縣九 龍峒 堯山 鉅鹿 沙河 平鄉

南和 任縣 內丘 青山

龍峒縣上下古邢國也秦以為信都項羽更名曰襄國漢因不改石勒僭號據之勒未立前襄國有識曰古在左月在右讓亡言或入口識者以為有襄國也周武帝改改為襄國郡開皇三年罷郡縣屬洛州九年改為龍峒縣以西北有龍峒因名之十六年於此置邢

州龍峒縣屬焉皇朝因之

土山二在縣東百五十步昔冉閔攻石祗於襄國為土山地道於此

石井峒一名龍峒在縣西北七里峒上有井大如車輪石勒時天旱沙門佛圖澄於此掘得一死龍長尺餘漬之以水良久乃蘇雨遂大降因名龍峒

夷儀嶺在縣西百五十七里

夷儀故城在縣西四十里

也石勒墓在縣南十五里

堯山縣上西南至本曰栢人春秋時晉邑戰國時

屬趙秦滅趙屬鉅鹿郡漢書曰八年高祖從平城過趙相貫高壁人栢人要之置厠上曰栢人者迫於人也不宿去後魏改人爲仁開皇三年罷鉅鹿郡屬趙州大業三年改屬邢州天寶元年改爲堯山縣

泫水在縣西一里俗亦名曰脂溝

栢人故城在縣西北十二里

張耳臺在縣西北十二里

鉅鹿縣

二西至州一百十九里本漢南樂

力亥反

縣地開皇六年

於此置鉅鹿縣屬趙州取漢鉅鹿縣之名也武德元年於此置起州又立白起縣一年陷竇建德四年討

平罷起州以縣屬趙州貞觀元年改屬邢州

大陸澤一名鉅鹿在縣西北五里禹貢曰恒衛既從

大陸既作按澤東西二十里南北三十里葭蘆菱蓮

魚蟹之類充物其中澤畔又有鹹泉煮而成鹽百姓

資之

沙河縣

上北至州三十五里

本漢襄國縣地開皇九年改襄

國爲龍峒縣十六年分龍峒於此置沙河縣以沙河

在縣南五里因以爲名

黑山在縣西四十里出鐵

磬口山在縣西南九十八里漢魏時舊鐵官也

平鄉縣上 九十里 本春秋時邢國後為趙地始皇

滅趙以為鉅鹿郡亦大稱也張耳與趙王歇走入

鉅鹿城王離圍之即此地也後魏自平鄉故城移平

鄉縣於此理之屬廣平郡開皇三年屬洛州十六年

改屬邢州

濁漳水今俗名柳河在縣西南十里

落漢水在縣西南十八里

沙丘臺在縣東北二十里殷紂所築又李兌圍靈王

於沙丘宮探雀鷲食之而死又始皇東巡迴死於沙丘

南和縣繁 西南至 本漢舊縣屬廣平國後漢屬鉅

鹿郡石趙屬襄國郡周屬南和郡開皇三年屬洛州

十六年改屬邢州

鴛鴦水經縣北五里

張賓墓在縣西十二里石勒軍師號曰右侯

任縣上 西南至州 本漢張縣地也在今縣西南渚

陽城是也後漢省趙於此置苑縣石氏滅廢開皇十

六年於此置任縣屬邢州大業三年省武德四年重置

張城一名渚陽城在縣西南二十七里漢張縣也石

勒傳晉將王浚遣石季龍盟就六春于渚陽謂此也

內丘縣上 南至州 古邢國地在漢為中丘縣屬常

山郡晉於此立中丘郡石趙改為趙安縣後魏孝文帝復立中丘縣隋室諱忠改為内丘開皇三年屬趙州大業二年改屬邢州

鵲山在縣西三十六里昔扁鵲將號太子遊此山採

藥因名

青山縣

東南至州五十里

本漢中丘縣地開皇十六年於

此置青山縣屬邢州縣界有青山因名大業二年省縣屬龍騰府武德元年折龍峒内丘兩縣重置屬邢州黑山一名青山在縣西二十里幽深險絕為逋逃之藪以周太祖諱黑因收黑山為青山縣取名焉

雷公山在縣西南八里漢末黑山群盜張飛燕等不立君長直以名號為稱多髯者謂之羝公大叢者謂之雷公時有雷公賊保此因以為名

洺州

廣平

開元戶七萬七千一百五十

鄉一百四十六

禹貢冀州之域春秋時赤狄之地後屬晉荀林父敗

赤狄于曲梁按曲梁今州理地也七國時屬趙趙敬

侯始都邯鄲至幽王遷為秦所滅秦兼天下是為邯

鄲郡地漢帝分置廣平國自漢至晉或為國或為郡

永嘉末胡虜竊號石勒據有其地石氏滅又屬慕容

雋至于暉滅又屬符堅後慕容垂得山東其地復屬

馬周武帝建德六年於郡置洛州以水為名大業三年罷州為永安郡武德元年又改為洛州兼置總管二年陷於竇建德四年討平又為建德舊將劉黑闥所陷尋討平之六年罷總管復為洛州

州境

東西一百九十七里
南北一百一十二里

八到

西南至上都一千六百二十里
西南至東都六百六十里
西北至邗州一百二十里
東北至貝州二百二十里
東南至魏州一百六十四里
西微北至儀州三百六十四里

貢賦

開元貞 綿 紬 織 績

管縣八

永年

鷄澤

洛水

肥鄉

清漳

曲周

臨洛

平恩

永年縣

聖 邦 下

本漢曲梁縣屬廣平國後漢屬鉅鹿郡

高齊文宣帝省曲梁置廣年縣開皇三年罷郡屬洛

州仁壽元年改廣年為永年避煬帝諱也

洛水在縣南三里

鷄澤在縣西南十里左傳諸侯同盟于鷄澤今其澤

魚鱉菱芡州境所資

庶頗臺在州城南十里十六國春秋冉閔遇慕容恪

於庶臺十戰皆敗 皇家平劉黑闥壘在縣西南十里

洛水南貞觀四年於壘東置昭福寺碑岑文本詞

鷄澤縣 上州 西南五十里 本漢廣平縣地開皇十六年於

廣平城置鷄澤縣大業二年省武德四年重置

洛漳二水在縣東南二十五里合流東入平鄉縣界

洛水縣 上州 西至五十里 本漢斥漳縣屬廣平國漳水經其

城其地斥鹵故曰斥漳開皇六年以縣西近洛河改

為洛水屬洛州

衛漳故瀆俗名阿難渠在縣西二百步蓋魏將李阿

難所導故名

黃塘坡在縣西北十五里晉龍驤將軍劉牢之救符

平追慕容暉大軍於黃塘泉即此陂也

肥鄉縣 上州 西至四十九里 本春秋時晉地七國時屬趙今縣

即漢邯鄲縣地魏黃初二年分邯鄲等二縣立肥鄉

屬廣平郡後魏省入臨漳開皇十年又置屬磁州十

六年割屬洛州

肥鄉故城在縣西二十二里

平原君墓在縣東南七里

清漳縣 上州 西至七十里 本漢列入縣地接列入縣故城在

今肥鄉界開皇十六年於此置清漳縣南濱漳水因

以為名屬洛州

曲周縣 上州 西南至十里 本漢舊縣屬廣平國鄴商為曲

周侯漢屬鉅鹿郡魏屬魏郡後魏宣武帝改置曲安縣屬廣平郡高齊省開皇六年復置屬洛州大業二年省武德四年於曲周故城重置

漳水在縣西二十九里

河難枯渠在縣南十四里

臨洛縣

縣 東南至州五十里

本漢易陽縣地屬趙國後魏省

入邯鄲縣開皇十年移邯鄲縣理陟鄉城城在今邯鄲縣界仍於此中府城別置臨洛縣北濱洛水因以爲名屬磁州大業三年割屬洛州

狗山在縣西十里山頂石上有狗跡因名武德五年

太宗親總戎討劉黑闥於此立宮

平恩縣

上 西至州八十三里

本漢舊縣也屬魏郡宣帝以許

廣漢爲平恩侯魏省尋復置開皇三年罷屬洛州

康臺澤在縣東五里

磁州

上 滏陽元和戶一千四十四

鄉一十三

本漢廣平郡武安縣之地周武帝於此置滏陽縣及成安郡開皇十年發郡於縣置磁州以縣西九十里有磁山出磁石因取爲名大業二年廢以縣屬相州

皇朝永泰元年重置以河東有磁州故此加石也

州境

東西一百七里南北一百一十五里

八到

西南至上都一百四十五里
西南至東都六百四十五里
南至相州六十五里
西北至洛州一百十里
西至洛州三百四十里

貢賦

開元貢

紗絹綿

管縣四

滏陽

邯鄲

招義

武安

滏陽縣

郭下

本漢武安縣之地魏黃初三年分武安

立臨水縣屬廣平郡以城臨滏水故曰臨水以城在

滏水之陽亦曰滏陽周武帝於此別置滏陽縣屬成

安郡開皇三年廢郡縣屬相州十年於此置磁州滏

陽屬焉大業二年廢磁州縣屬相州永泰元年重立

德州縣又割屬

鼓山亦名滏山在縣西北四十五里滏水出焉泉源

奮涌若滏水之湯湯故以滏口名之八陘第四曰滏

口陘山嶺高深實為險阨

石季龍墓在縣西南十四里

佛圖澄墓在縣西南十七里

高齊神武陵在縣南三里

邯鄲縣州上南至本衛地也後屬晉七國時為趙都

趙敬侯立自晉陽始都邯鄲至幽王遷降秦遂滅趙

以為邯鄲郡邯山名也單盡也城郭從邑故單字加

邑魏以爲縣屬廣平郡開皇十年置礪州邯鄲縣屬
焉大業二年廢礪州縣屬洺州永泰年重立礪州縣
還割屬

邯山在縣東南五里

叢臺在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在縣西北七里

樂毅墓在縣西南十八里

藺相如墓在縣西南二十三里

昭義縣上州東南至魏黃初三年於今滏陽縣置臨

水縣北齊天保元年移理松釜周武建德六年廢永

泰元年再置仍改名昭義

武安縣上州東南至本七國時趙將李牧封武

安君即今縣也漢屬魏郡魏屬廣平郡開皇三年屬

相州十年割屬礪州大業二年礪州廢割屬洺州後

置礪州又分隸焉

關與山在縣西南五十里趙奢拒秦軍關與即此山也

洺水西北去縣八十三里

武安故城在縣西南五里六國時趙邑也趙奢之救
關與秦軍鼓譟武安屋瓦皆動即此城也

元和郡縣圖志卷第十五

元和郡縣圖志卷第十六

河北道一

懷州

魏州

相州

博州

衛州

貝州

澶州

懷州

河內

開元戶四萬三千一百七十五
元和戶八千七百四十一

鄉八十九
鄉三十五

今為河陽三城懷州節度理所管

懷州

河陽

汜水

溫縣

濟源

河清等五

縣事具河南府

禹貢冀州之域覃懷之地周為畿內及衛邢雍三國
春秋時屬晉七國時屬韓魏二國秦兼天下滅韓為

三川郡滅魏為河東郡今州為三川郡之北境河東
郡之東境楚漢之際項羽立司馬邛為殷王王河內
高帝二年邛降以其地為河內郡領縣十八理懷後
漢世祖南定河內難其守鄧禹舉寇恂世祖謂恂曰
河內宇富吾將因是而起昔高祖留蕭何鎮關中吾
今委卿以河內恂遂伐淇園之竹理矢百餘萬養馬
三千疋收租四百萬斛以給軍事由是東漢之業濟
焉昔河內郡移理野王隋開皇三年罷郡置懷州武
德二年陷賊其年於河清縣界柏崖城置懷州四年
討平王充自柏崖城移於今理今屬河陽三城

州境

東北一百一十七里
西北一百一十五里

八到

西南至上都一千一十里
西至東都一百五十里

東至衛州二百六十里
東南至鄭州一百九十里
北至澤州一百四十里

貢賦

開元貢
元和貢

絲綉綿
平紬卜疋

牛膝

管縣五

河內

武陟

武德

脩武

獲嘉

河內縣

望郭下

開元戶一萬八百五十四
元和戶

鄉二十一

本春秋時野王邑也左傳曰晉人執晏弱於野王是
也漢以為縣屬河內郡隋開皇十三年改為河內縣
皇朝因之

太行山在縣北二十五里禹貢曰太行恒山至于碣石注曰二山連延東北接碣石

太行陁在縣西北三十里連山中斷曰陁述征記曰太行山首始於河內自河內北至幽州凡有八陁第一曰軹關陁在今屬河南府濟源縣第二太行陁第三

白陁陁北三陁今在河內第四滏口陁對鄴西第五井陁第六飛狐陁一名望都關第七蒲陰陁此三陁在中山第八軍都陁在幽州太行陁闊三步長四十里沁水在縣北四里丹水北去縣七里分溝灌溉百姓資其利焉

濟水經縣西南去縣三十里

新城壘在縣東北九里武德三年劉德威於此置營

武陁縣

州 望西北至

開元戶七千九百九十九

鄉十六

本漢懷縣地開皇十六年分脩武縣置武陁縣理武

德故城今縣東二十里武德故城是也屬殷州皇朝

因之貞觀元年省殷州屬懷州沁水在縣東一里

故懷城在縣西十一里兩漢河內郡並理之晉移郡

理野王

故殷城在縣東南十里楚漢之際司馬卬為殷王都
在此

武德縣

望西至州四十七里

開元戶一萬二百六十二元和戶

鄉二十

本周司寇蘇忿生之州邑也左傳曰周與鄭人蘇忿生之田州陘潰懷注曰州今河內州縣是也漢以為州縣屬河內郡隋開皇十六年改州為邢丘縣遙取古邢丘為名也大業二年改邢丘為安昌縣取安昌侯張禹國城為名也武德二年改為武德縣

太行山在縣北五十里

沁水北去縣二里

安昌故城在縣東十三里即張禹所封國城也

故大斛闢在縣北一百六里太行山上

平臯陂在縣南二十三里多菱蓮蒲芰百姓資其利

周迴二十五里

脩武縣

紫西南至州一百二十里

開元戶六千七百一十七元和戶

鄉十三

本殷之寧邑韓詩外傳曰武王伐紂勒兵於寧改曰脩武左傳曰昔陽處父聘于衛過寧注云汲郡脩武縣是漢以為縣屬河南郡周武帝以為脩武郡脩武縣屬脩武郡隋開皇三年罷郡屬懷州武德初屬殷州貞觀元年省殷州依舊屬懷州

太行山在縣北四十二里

天門山今謂之百家巖在縣西北三十七里以巖下

可容百家因名上有精舍又有鍛竈處所即嵇康所居也

濁鹿故城在縣界東北二十三里魏文帝受禪封漢帝為山陽公居河內山陽濁鹿城即此城也禪陵在縣北三十五里獻帝陵也以禪讓名

獲嘉縣 望西南至州開元戶一萬一千四百一十七

本漢縣也武帝將幸緱氏至汲縣之新中鄉得南越相呂嘉首因立為獲嘉縣屬河內郡此前獲嘉縣理在今衛州新鄉縣西南十里獲嘉縣故城是也高齊又移於衛州共城隋自共城移於今理

同盟山在縣東北五里武王伐紂與諸侯同盟於此山七賢祠在縣西北四十二里嵇阮祠也

魏州 魏郡開元戶一十一萬七千五百七十五 大郡督府元和戶六千九百一十 鄉二百四十一

今為魏博節度理所

管州六縣四十三 都管戶墾田

魏州八縣 相州六縣 博州十縣 衛州五縣

貝州十縣 澶州四縣

禹貢兗冀二州之域在夏為觀扈之國春秋時為晉地按沙麓崩在今元城東南四十里是戰國時為衛魏二國地秦滅魏置東郡滅趙置邯鄲郡漢高祖使

韓信定河北以秦邯鄲郡之南部東郡之邊縣置魏郡即今元城縣是也後漢封曹操為魏王理鄴前燕慕容暉都鄴其魏郡並理於鄴中也於今州理置貴鄉郡尋省周宣帝大象二年又於貴鄉郡東界置魏州隋煬帝大業三年罷州為武陽郡隋亂陷賊武德四年討平竇建德改置魏州其年又陷劉黑闥五年平黑闥置總管府七年改為都督府貞觀六年罷都

督復為州

州境東西一百九十六里南北二百三十八里西南至上都一百一十里東南至東都七百五十里

東北至貝州二百一十里止東微北至博州一百八十里西至相州二百一十里西北至洛州一百六十四里東南渡河至濮州一百九十里東南至鄆州二百四十里貢賦開元貢絲綿純紬半紬

管縣八 貴鄉 元城 魏縣 館陶 冠氏

朝城 莘縣 昌樂

貴鄉縣管望西界三下郭下本漢光武縣地後魏孝文帝於

置貴鄉縣屬昌樂郡隋開皇三年罷郡縣屬魏州

大業三年改屬武陽郡皇朝因之武德初割屬魏州

大河故瀆俗名王莽河西去縣三里

州城前燕慕容暉所築周宣帝於此置州理焉

古堰今名愜山在縣西九里成帝時河決金堤河堤使者王延世墓之蓋運土塞河之處以其愜當人情故謂之愜山

元城縣

望三十里郭下

本漢舊縣屬魏郡魏武侯公子

元食邑於此因名魏黃初二年於此置陽平郡高齊省元城縣入貴鄉隋開皇六年復置貞觀十三年又省入貴鄉聖曆元年重置開元十三年移在州東北三百步沙麓在縣東十二里即春秋經所書沙麓崩漢書以爲元后興之祥也

馬陵在縣東南一里齊將孫臏破魏軍殺龐涓於此五鹿墟在縣東十二里公子重耳乞食於五鹿人野人與之塊即此處也

王翁孺墓在縣東二百步元后之祖也

東晉墓在縣東二十五里

魏縣

望三十六里東至州四十里

本漢舊縣屬魏郡後魏孝文帝

分魏縣置昌樂高齊省魏縣屬昌樂縣隋開皇六年又分昌樂置魏縣屬魏州皇朝因之

舊漳河在縣西北十里

新漳河在縣西北二十里

蓋寬饒墓在縣東南八里

狄仁傑祠在縣東南四里為魏州刺史百姓生為立

祠此祠在州城南
門外此恐悞

館陶縣紫二十五
西至州五十里春秋時晉寇氏邑陶丘在縣西

比七里爾雅曰再城為陶丘趙時置館於其側因為

縣名漢魏郡魏文帝改屬陽平郡石趙移陽平郡理

比周大象二年置屯州以近屯河為名隋大業二年

廢屯州以屬魏州

大河故瀆俗名王莽河在縣東四里

毛氏河俗名毛河在縣西二里

白溝水本名白渠隋煬帝導為永濟渠亦名御河西

去縣十里

寇氏縣紫二十里
西至州六十里本漢館陶縣地隋開皇六年分

館陶東界置寇氏縣因古寇氏邑為名屬毛州隋大

業二年廢毛州縣屬魏州

王莽河北去縣十八里

冉仲弓墓在縣北二十五里

朝城縣紫三十
西北至州一百里本漢東武陽郡在武水之陽故

曰武陽其後為縣屬魏郡開皇十六年屬莘州大業

二年廢莘州屬魏郡貞觀十七年廢永昌元年置改

名武聖開元七年改為朝城

武河在縣東十步

黃河在縣東二十九里

武陽臺在縣西南一里

扁鵲墓在縣羅城西北隅

莘縣上二十一西至州一百里本衛地漢為陽平縣屬東郡魏改

屬陽平郡隋開皇六年又於樂平故城置陽平縣屬

魏州八年改清平為清邑縣大業二年改為莘縣因

縣北占莘亭為名皇朝因之

莘亭在縣北十三里傳曰衛宣公使太子伋之齊使

盜待諸莘將殺之二子伋壽爭相為死即此地也

昌樂縣北至州五十四里本漢舊縣屬東郡後漢省後

魏孝文帝於漢舊昌樂城置昌樂郡又昌樂縣周武

帝改屬魏郡隋罷郡改屬魏州皇朝曰之

王莽河西去縣十六里

相州鄴郡開元戶七萬八千元和戶鄉一百五十鄉二十九

禹貢冀州之域又為殷盤庚所都曰殷墟項羽與章

邯盟于洹水南殷墟是也春秋時屬晉戰國時屬魏

魏文侯使西門豹守鄴是也秦兼天下為上黨邯鄲

二郡之地漢高帝分置魏郡理鄴後漢末冀州理之

韓馥為冀州牧居鄴其後袁紹曹操因之建安十七年冊命操為魏公居鄴黃初二年以廣平陽平魏三郡為三魏長安譙許鄴洛陽為五都石季龍自襄國徙都之仍改太守為魏尹慕容雋平冉閔又自薊徙都之仍置司隸校尉符堅平鄴以王猛為冀州牧鎮鄴後魏孝文於鄴立相州初孝文幸鄴訪立州名尚書崔光對曰昔河亶甲居相聖皇天命所相宜曰相州孝文從之蓋取內黃東南故殷王河亶甲居相所築之城為名也至東魏孝靜帝又都鄴城高齊受禪仍都於鄴改魏尹為清都尹周武帝平齊復改為相

州大象二年自故鄴城移相州於安陽城即今州理

是也隋大曆三年改相州為魏郡武德元年復為相

州後或為總管或為都督

州境東南二百一十四里
南北一百六十九里

八到西南至上都一千四百四十里
西南至東都五百八十里
北至慈州六十五里

東北至洛州一百八十里
東取臨洛縣北至邢州二百六十五里

東至魏州二百一十里
西至潞州三百五十里

東南至滑州一百三十里

貢賦開元貢紗 鳳翮扇 胡粉 知母

晉縣十 安陽 鄴縣 成安 內黃 堯城

洹水

臨漳

臨河

湯陰

林慮

安陽縣

五

郭下

本七國時魏寧新中邑秦昭襄王

拔之改名安陽漢初廢以其地屬陽陰縣晉於今理西南三里置安陽縣屬魏郡後魏并入湯陰隋開皇

十年置安陽縣屬相州皇朝因之

韓陵山在縣東北十五里東魏丞相高歡破爾朱兆

第於此山

洹水西南自林慮縣界流入

鄴縣

紫二

南至州四重

本漢舊縣屬魏郡晉以懷帝諱改鄴

為臨漳縣石季龍徙都之復改為鄴縣冉閔及慕容

雋洎東魏高齊並都於此其縣名直至隋氏不改皇

朝因之

濁漳水在縣北五里西門豹為鄴令引漳水以富魏

之河內後史起為鄴令又引漳水溉鄴人歌之曰鄴

有賢令號為史公決漳水兮灌鄴旁終古無鹵生稻

梁今天下井堰即其遺址也

故鄴城縣東五十步本春秋時齊桓公所築也自漢

至高齊魏郡鄴縣並理之今按魏武帝受封於此至

文帝受禪呼為此郡都

西門豹祠在縣西十五里

魏武帝西陵在縣西三十里

成安縣

上四

西南至州一百五十里

本漢斥丘縣地屬魏郡土地斥

鹵故曰斥丘陵其地盡屬鄴縣高齊文宣帝分鄴縣置成安縣屬清都尹周平齊屬魏郡隋開皇三年改屬相州皇朝因之

濁漳水西自滏陽縣界流入

斥丘故城在縣東南三十里本春秋時乾侯邑漢以為斥丘縣左傳曰公如晉次于乾侯

內黃縣

繫二

西北至州八十里

本漢舊縣屬魏郡以河北為河

內南為外故此有內黃陳留有外黃後魏省隋開皇

六年重置內黃縣屬相州武德二年於黎陽縣置黎

州縣屬焉貞觀十七年廢州縣屬相州

湯水南去縣七里

黃澤在縣西北五里

故殷城縣東南十三里殷王河曹甲居相因築此城

永濟渠本名白渠隋煬帝導為永濟渠一名御河北

去縣二百步

堯城縣

上西至州四十里

本漢內黃縣地晉於此置長樂縣高

齊省長樂入臨漳縣隋開皇十年分臨漳洹水二縣

於此重置長樂縣十八年改為堯城因所理堯城為

名也

洹水在縣北四里

丹朱墓在縣東一里

洹水縣

上三
西南至州一百二十里

本漢內黃縣地晉於此置長

樂縣屬魏郡後魏省孝文復置長樂縣高齊省入臨

漳縣周武分臨漳置洹水縣因以水為名屬

開皇三年割屬相州皇朝因之

洹水西自堯城縣界流入

鷓鴣陂在縣西南五里週迴八十里蒲魚之利州境

所資

永濟渠西去縣二里

臨漳縣

上西
西南至州六里

本漢鄴縣地東魏孝靜帝分鄴縣之

地於鄴城中置臨漳縣周武帝平齊自鄴城移臨漳

縣於今理屬魏郡隋開皇三年改屬相州皇朝因之

東山池在縣西南十五里東魏相高澄所築引萬金

渠水為池作遊賞處

鷓鴣陂在縣東南三十里與洹水縣同利

袁紹墓在縣西北十六里

臨河縣

上二
西北至州一百二十里

本漢黎陽縣地隋開皇六年

分置臨河縣屬衛州其城本春秋時衛新築城十六

年改屬黎州大業二年又改屬衛州武德二年重置
黎州縣屬貞觀十七年廢黎州以縣屬相州
黃河南去縣五里

湯陰縣北至州四十里本七國時魏湯陰邑也漢以為縣

屬河內郡縣有蕩水因取名焉晉屬魏郡後魏省隋
開皇六年重置蕩陰縣屬相州十六年改屬黎州武
德四年分安陽置蕩源縣屬衛州六年改屬相州貞
觀元年改為湯陰從漢舊名也

蕩水西去縣三十五里

滎里一名姜城在縣北九里紂拘西伯之所也

林慮縣東至州一百一十里本漢舊縣屬河內郡以隆慮山

在北因為名後避殤帝諱改曰林慮屬朝歌郡晉屬
汲郡後魏太武帝省入鄴縣文帝立復屬魏郡周武
帝置林慮郡隋開皇三年罷郡縣屬相州武德二年
又置巖州五年廢縣又屬相州

林慮山在縣西二十里山多鐵縣有鐵官南接太行

北道連恒岳慮音

博州博平開元戶三萬七千四百七十和戶二千四百二十鄉七十四鄉一十五

禹貢兗州之域春秋時齊之西界聊攝地也戰國時
為齊地秦兼天下今州即秦東郡地也在漢為東郡

聊城縣之地後魏明元帝於此置平原鎮孝文罷鎮置平原郡葛榮之據冀州也又於今理置冀州尋廢孝武帝復置平原郡隋開皇三年置郡十六年於今理置博州大業二年省隋亂宇文化及繼逆自江都舉兵至此竇建德攻陷其城化及復自據武德四年

討平竇建德重置博州

州境

東西一百五十七里
南北一百六十六里

八到

西南至上都一千七百九十里
西南至東都九百三十里
西南至魏州一百八十里
西北至貝州一百九十里
東北至德州一百九十里
東渡河至鄆州一百八十里

東渡河至齊州二百九十里

貢賦

開元賦
平綾十疋
綿絹

管縣六

聊城

武水

堂邑

清平

博平

高唐

聊城縣

縣

郭下

本春秋時聊攝地晏子對景公曰

聊攝以東其人多矣漢以為縣屬東郡晉屬平原郡高齊改屬濟州隋開皇三年改屬冀州第六年置博州縣屬焉

黃河南去縣四十三里

荏平故城在縣東五十三里在荏山之平地石勒之

賤也賣在荏平人師歡家為奴。

四口故關在縣東南八十里隋於此置

武水縣

上六
東北至州六十里

本漢陽平縣地屬東郡隋開皇

八年改陽平為清邑縣十六年分清邑置武水縣屬

莘州

即今博州武水縣理是也

在武水溝之南因名之大業三年

廢莘州改屬魏州貞觀元年改屬博州

黃河南去縣二十二里

堂邑縣

上二
東至州六十里

本漢清縣發干二縣之地屬東郡

隋開皇六年於此置堂邑縣屬毛州因縣西堂邑故

城為名大業二年改屬魏州武德四年又屬毛州貞

觀元年廢毛州改屬博州

樂平故城本漢清縣在縣東三十里後趙錄曰東海

王使征東將軍苟晞擊汲桑石勒勒與晞相持戰于

平原陽平間為晞所敗桑奔樂平

堂邑故城在縣西北二十七里高高五年陳嬰為堂

邑侯嬰孫午繼封上館陶公主

清平縣

上二
東南至州八十里

本漢清陽縣地屬清河郡隋開

皇六年自今貝州清河縣界移貝丘縣於今理屬貝

州十六年改貝丘為清平縣屬博州大業二年省博

州改屬貝州隋亂廢武德四年重置屬博州

博平縣

上二 西南至州七十里

本齊之博陵邑也史記曰齊威

王伐晉博陵是也漢以為縣屬東郡晉屬平原國隋

開皇三年改屬毛州十六年改屬博州

故攝城在縣西南二十里晏子曰聊攝以東其為人

多矣即此城也

高唐縣

上二 西南至州一百十里

本齊邑春秋夙沙衛奔高唐

以叛史記齊威王曰五臣有盼子者使守高唐趙人

不敢東漁於河漢以為縣屬平郡後魏屬濟州高齊改

屬平原郡隋開皇十六年改屬博州皇朝因之長壽

二年改為崇武縣神龍二年復舊名

黃河在縣東四十五里

華歆墓在縣東二十里

衛州

沒郡

開元戶三萬六千六百六十七 和戶二千七百七十七

鄉六十七 鄉一十九

禹貢冀州之域後為殷都在今州東北七十三里衛

縣北界朝歌故城是也今州理即殷牧野之地周武

王滅殷分其畿內為三國詩國風邶鄘衛是也邶封

紂子武庚鄘管叔尹之衛蔡叔尹之以監殷人謂之

三監武王崩三監及淮夷叛成王既伐管叔蔡叔以

殷封康叔為衛侯今郡及魏郡之黎陽河內之野王

朝歌皆衛之分其後十五葉懿公為翟所

更封於楚丘今滑州衛南縣是也河內殷墟更屬於
晉後又屬齊戰國時屬魏秦屬河東郡在漢為汲縣
屬河內郡魏黃初中置朝歌郡屬冀州晉武帝改朝
歌為汲郡仍屬冀州後魏孝靜帝移汲郡理枋頭城
在今衛縣界又於汲縣置義州以處歸附之人周武
帝改義州為衛州隋大業三年改為汲郡武德元年
又改為衛州二年陷竇建德四年討平仍舊名焉

州境東西一百三十六里
南北一百四十一里
八到西南至上都一千二百五十里
西南至東都二百九十里
東北至相州一百九十里
東渡河至滑州一百一十五里

貢賦正西啟南至懷州二百六十里
正南渡河至鄭州二百三十里
東北至澶州二百五十里
西北至渝山至澤州陵山縣二百四十里
開元賦
絹
綿

管縣五 汲縣 新鄉 衛縣 共城 黎陽

汲縣紫 郭下本漢舊縣屬河內郡後魏於此置義

州及伍城郡伍城縣周改義州為衛州伍城縣屬衛州
隋開皇六年改伍城縣為汲州大業三年改屬汲郡
武德元年重置義州汲縣屬焉四年廢義州縣屬

衛州

黃河西自新安縣界流入經縣南去縣七里謂之棘

津亦謂之石濟津左傳云晉伐曹曹在衛東假道於
衛衛人不肯還自南津是也宋元嘉中遣宣威將軍
垣護之以水軍守石濟亦是此處也

比干墓及廟在縣北十里

太公廟在縣西北二十五里太公即河內汲人也

新鄉縣縣十九里本漢獲嘉縣汲縣二縣地隋

開皇六年於西縣地新樂城中置新鄉縣屬衛州武

德四年屬殷州貞觀元年廢殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武

帝將幸於汲新中鄉得呂嘉首以為獲嘉縣

衛縣縣十九里本漢朝歌縣屬河內魏黃初中

朝歌縣又屬朝歌郡晉武帝改為汲郡隋開皇三年

罷郡縣屬魏州大業二年改朝歌為衛縣屬汲皇朝

因之

黑山在縣北五十五里漢末眭固白統等起黑山聚

衆十餘萬號黑山賊

蘇門山在縣西北十一里孫登所隱阮籍嵇康所造

之處

延津在縣西二十六里魏曹公遣于禁渡河守延津

即此地也

枋頭故城在縣東一里建安九年魏武在淇水口下
大方木爲堰遏淇水令入白渠以開運漕故號其處
爲枋頭晉太和四年桓溫北伐慕容暉時亢旱水道
不通乃鑿鉅野三百餘里以通舟運自清水入河
將慕容垂率衆八萬來拒溫大破之遂至枋頭軍糧
竭盡溫焚舟步退出以八千騎追溫戰敗于襄邑亦
謂此也後符氏尅鄴改枋頭爲昌永縣十六國春秋
曰晉劉牢之救符丕慕容垂率師至枋頭以拒之知
晉軍盛乃退後魏嘗移汲郡理此

陽河水出縣西北平地卽紂斲朝涉之脛處

朝歌故城在縣西二十一里殷之故都也

鹿臺在縣西殷紂營之七年乃成高三里高千尺

共城縣上二東南至州六十二里本周共伯國厲王無道流崩于

斃共伯奉王子靖立爲宣王共伯復歸于國漢以爲

縣屬河內郡晉屬汲郡高齊省隋開皇四年加城字

於此置共城縣屬衛州皇朝因之

白鹿山在縣西五十四里

天門在縣西五十里

淇水源出縣西北沮洳山

故凡城在縣西二十里古凡伯國也

百門陂在縣西北五里方五百許步百姓引以溉稻
田此米明白香潔異於他稻魏齊以來常以薦御陂
南通漳水

黎陽縣

上二
西南至州一百二十里

古黎侯國漢爲黎陽縣在黎

陽山北屬魏郡漢屬黎陽郡隋開皇三年屬衛州十

六年又屬黎州大業二年省黎州縣屬衛州

皇

朝武德二年重置黎州縣屬焉貞觀十七年黎州廢

復屬衛州

大丕山正南去縣七里即黎山也尚書云東過洛汭

至于大伾注曰山冉成曰伾

枉人山在縣西北四十二里或言紂殺比干於此

黎陽鎮故城在縣東南一里古翟遼城也翟遼於此

僭號皇朝改曰白馬鎮

袁譚故城在縣西南百步

曹公故城在縣西南一里是曹公攻譚時所築

白馬故關在縣東一里五步酈食其說高祖曰杜白

馬之津即此地也後更名黎陽津慕容德自鄴將徙

滑臺至黎陽津風飄舡渡魏軍垂至三軍色懼昏而

冰合是夜濟訖旦而魏軍至冰亦消津德大悅改黎

陽津為天橋津。高齊文襄征潁城，仍移石濟關於此。即造橋焉，改名白馬關。周又改名黎陽關。

貝州

清河

開元戶八萬四千四百元，和戶二萬一百二

鄉一百七十七，鄉三十五

禹貢冀州之域。春秋時其地屬晉。七國時屬趙。秦兼

天下，以為鉅鹿郡。漢文又分鉅鹿置清河郡。以郡臨

清河水，故號清河。後漢以為清河國。周武帝建德六

年平齊於此，置貝州。因立以為名。隋大業三年又為

清河郡。隋末陷賊。武德四年討平竇，建德復置州。

州境

東西二百四十九里，南北一百九十里

八到

西南至上都一千八百二十里，東南至東都九百六十里

南至魏州二百一十里，正東微北至德州二百二十里

北至冀州二百一十里，西至邢州二百三十里，東至博州一百九十里

貢賦

開元貢綾絹

管縣十

清河

清陽

歷亭

東武城

宗城

經城

漳南

臨清

夏津

永濟

清河縣縣下本漢信成縣地。屬清河郡。後漢省信成

縣置清河縣。至隋不改。皇朝因之。

故末柸城在縣東北五十里。十六國春秋曰鮮卑段

末柸自稱遼西公。於此築城與石勒相持。因為名。

永濟渠東南去縣十里。

清陽縣縣下本漢舊縣也屬清河郡後漢省青陽縣

其地屬甘陵縣隋開皇六年重置皇朝因之

甘陵在縣城內後漢清河王慶陵慶即安帝父也

歷亭縣州上三西南至一百里本漢東陽縣地屬清河郡後漢

省東陽縣其地屬郟音縣開皇十六年於此置歷亭

縣遂取漢歷縣為名皇朝因之

東陽故城在縣西十八里漢高祖以張相如為東陽侯

東武城縣州上二西南至四十二里本七國時趙邑也史記趙平

原君勝封東武城即此地也蓋以定襄有武城同屬

趙故此加東字以辨之屬新河郡隋開皇三年改屬

貝州皇朝因之自後魏以來山東貴族清河諸崔即

此邑人也為天下甲族

宗城縣皇五東北至州六十里本後漢章帝分立廣宗縣屬鉅

鹿郡後魏改屬廣宗郡隋開皇三年改屬貝州仁壽

元年改宗城縣皇朝因之

張甲河在縣南二十五里

漳水東去縣二十七里

經城縣上四東至州六十里本後漢分前漢堂陽縣於今縣

西北二十里置經城縣後魏省併入南宮縣孝文又

於今理置經城縣又置廣宗郡高齊省郡及縣仍置武強

縣於此隋開皇六年移武強縣於此置經城縣屬貝州皇朝因之

張甲枯河東去縣十里

漳南縣上二西南至州一百一十里本漢東陽縣之地隋開皇六

年置東陽縣屬德州取漢東陽之名十六年改屬貝州十八年改爲漳南縣以漳水在縣北故名也皇朝因之

永濟渠在縣東五十里

漳水在縣北四十六里

臨清縣繫五東北至州六十里本漢清泉縣地後魏孝文於此

置臨清縣屬魏郡高齊省隋開皇六年

屬貝州皇朝因之

貝丘城在縣東南五十里漢貝丘縣城也城內有丘

高五丈周迴六十八步周因此爲名春秋公田于貝

丘是齊州地與此異也永濟渠在縣城西門外

夏津縣上二西北至州九十里本漢鄆縣也呂佗樂布皆爲鄆

侯田蚡奉邑亦在鄆屬清河郡隋大業二年改屬貝

州天寶元年改爲夏津縣

屯氏河在縣北

永濟縣繫四東北至州一百一十里本漢貝丘縣地臨清縣之南

偏大曆七年田承嗣奏於張橋行市置西井永濟渠故以為名

永濟渠在縣西郭內闊一百七十尺深二丈四尺南自汲郡引清淇二水東北入白溝穿此縣入臨清按漢武時河決館陶分為屯氏河東北經貝州冀州而入渤海此渠蓋屯氏古瀆隋氏修之因名永濟

澶州

上頓丘

元和戶三千二百六十九

鄉一十七

本漢頓丘縣地武德四年分魏州之頓丘觀城二縣於今理置澶州因澶水為名又分置澶水縣貞觀元年廢澶州以澶水縣屬黎州

本衛州黎陽縣理是也非城都管內黎州大

曆七年魏博節度使田承嗣又奏置澶州

州境

東西一百二十九里

八到

西南至上都一千五百里
西南至東都六百三十里
西南至衛州二百五十里
北至魏州一百一十里
南至濮州濮陽縣三十六里
東至濮州范縣一百一十里
西至相州內黃縣七十里
西至相州臨河縣八十里
東北至魏州朝城縣九十四里

貢賦

開元貢

平絢 又絹

賦 純綿 絹 栗

管縣四

頓丘

臨黃

觀城

清豐

頓丘縣

郭下

本漢信都縣因縣東北頓丘以為名屬東

郡昔屬頓丘郡隋魏郡武德初割屬澶州州廢還屬魏州大曆初却屬澶州

秋山在縣西北三十五里

黃河在縣南三十五里

顛項陵縣西北三十五里

帝學陵在縣北三十里

衛康叔墓縣東北九十里

臨黃縣上西至州六十七里本漢觀縣地後漢改觀縣為衛

縣後魏孝文帝分衛縣置臨黃縣以北臨黃溝因以為名屬頓丘郡隋改屬魏郡武德初割屬澶州州廢

還屬魏州大曆初又割入澶州

黃河南去縣三十六里

盧津關今古高陵津縣東南三十五里

魏長賢墓縣十五里貞觀七年追贈定州刺史即徵父也

觀城縣秦二十四里西至州漢觀縣古之觀國左傳曰虞有

三苗夏有觀扈國語注曰觀國夏啓子太康之弟五

弟所封也在衛縣夏衰滅之漢以為縣屬東郡後漢

改觀縣為衛國縣屬東郡隋開皇六年改衛國縣為

觀城縣屬衛州武德四年以觀城屬澶州州廢還屬

魏州大曆初隸澶州

衛靈公墓縣東南四十二里

清豐縣上東至州二十五里本漢內黃縣地大曆七年於清豐

店置因以為縣

黃河在縣南五十里

元和郡縣圖志卷第十六

元和郡縣圖志卷第十七

河北道二

恒冀節度使

恒州

常山天都督府

開元戶四萬二千六百九十四
元和戶一萬七千五百八十

鄉八十七
鄉七十

今為恒冀節度理所

管州六 縣四十五

都管戶六萬二千六百四

恒州 縣十

冀州 縣九

深州 縣四

趙州 縣八

德州 縣七

棣州 縣五

禹貢冀州之域周為并州地春秋時屬鮮虞國戰國時屬趙秦兼天下為鉅鹿郡之地漢三年韓信東下

井陘擊破陳餘趙王歇以鉅鹿之北境置恒山郡因恒山為名後避文帝諱改曰常山兩漢恒山太守皆理於元氏晉理於真定即今常山故城是也後魏道武帝登恒山郡城北望安樂壘嘉其美名遂移郡理之即今州理是也周武帝於此置恒山隋煬帝大業九年罷州以管縣屬高陽郡武德元年重為恒州三年陷賊四年討平竇建德仍舊焉

州境

東西二百一十里南北二百七十里

西南至上都一千九百九十里

西取太原路至上都一千七百六十里

西南至東都一千一百三十里

東北至定州一百二十里

東南至棠城縣六十里從棠城北至定州一百二十里

東南至深州一百八十里西取井陘路至太原府五百里

貢賦

開元貢

羅綿絹

管縣十

真定

棠城

九門

靈壽

行唐

井陘

獲鹿

石邑

房山

鼓城

真定縣

望二十一郭下

本名東垣屬中山國以河東有垣

縣故此加東字高帝十一年代相陳豨反帝自攻援之故曰真定屬恒山郡武帝改為真定國後漢復為縣屬常山郡後燕慕容垂都之後徙理盧奴開皇三年真定縣改屬恒州皇朝因之潞水北去縣三十里

澤池河南去縣一里

故榷城即古之捷鄉也縣北二十里後漢建武元年賈復破青犢於射犬追戰於真定之捷鄉大破之即此地也

橐城縣

緊十三西北至州五十八里

本漢舊縣元鼎四年置屬真

定國後漢改屬鉅鹿郡晉省後魏重置高齊改爲高城縣隋開皇十八年復爲橐城縣武德初屬廉州貞觀二年改屬恒州

肥累故城縣西南七里春秋時肥子國白狄別種也澤池水去縣二十九里

九門縣

上西至川三十里

本戰國時趙邑漢於此置九門縣屬

常山郡高齊省隋開皇六年重置義旗初於此置九門郡後廢以縣屬恒州

澤池水在縣西九十里

潑水北去縣二十三里

靈壽縣

中東至州八十五里

本中山國都也按中山武公本周

同姓其後桓公不恤國攻後樂羊爲魏將拔中山封之靈壽縣於此置靈壽縣屬常山國後漢屬常山郡

隋開皇三年改屬恒州武德五年屬并州七年改屬恒州

潯沱水在縣西南二十里

行唐縣

上

南至州七十里

本趙南行唐邑惠文王初置漢因

爲縣屬恒山郡後魏去南字爲行唐縣隋開皇三年改屬恒州皇朝因之

王女山縣北三十六里

潑水去縣南二十六里

井陘縣

中東南至五州九十里

六國時趙地秦始皇十七年興兵

攻趙王翦韓信張耳東下井陘擒成安君即此是也

陘山在縣東南八十里四面高中央下如井故曰井

陘漢屬常山郡隋開皇十六年於縣置并州大業二

年廢縣屬恒州武德元年重立并州貞觀十七年廢

縣又屬恒州

綿蔓水在縣西南八十里韓信擊趙使萬人先行背

水爲陣信曰陷之死地而後生謂此水也

獲鹿縣

中

東北至州五十里

本漢石邑縣地屬常山郡隋開皇

十六年於此置鹿泉縣以鹿泉在漢縣南曰爲名屬

并州大業二年省義寧初重置還屬并州正德二年

改名獲鹿

飛龍山在縣南四十五里前趙錄曰王浚遣將祁弘

率鮮卑討石勒於飛龍山下勒大敗

犇山音蔽今名抱犢山韓信伐趙使輕騎二千人人持一赤幟從間道犇山而望後遂改爲犇山後魏葛榮之亂百姓固山抱犢而死故以爲名又云抱犢者古有其名也即道家謂之北岳佐命是也名山記以爲福地之數云可避兵水也

井陘口今名土門口縣西南十里即太行八陘之第五陘也四面高平中下似井故名之韓信擊趙欲下井陘成安君陳餘聚兵井陘口彌二十萬李左車說餘曰臣聞千里餽糧士有飢色今井陘之道車不得方軌騎不得成列行數百里其勢糧食必在後願足

下假臣奇兵三萬從間道絕其輜重足下深溝高壘勿與戰彼前不得關退不得還吾奇兵絕其後野無掠鹵不至十日兩將之頭可致戲下成安君儒者不從故敗述征記曰其山首自河內有八陘井陘第五四面高中央低似井故名之鹿泉出井陘曰南山下皇唐貴族有土門崔家爲天下甲族今土門諸崔是也源出博陵安平矣

石邑縣

紫十五
東北至州三十里

本戰國時中山邑也史記趙

武靈王攻中山取石邑是也漢於此置石邑縣屬常山郡後漢至隋不改皇朝因之

鹿泉水一名陘水南去縣十里

趙佗墓縣北十三里佗真定人僭號南越帝文帝爲其先人置守冢昆在者存問之佗遂釋黃屋左纛而稱臣

房山縣

中東南至八十里

本漢蒲吾縣地屬常山郡隋開皇

十六年置房山縣曰縣北房山爲名屬并州大業二年廢并州縣屬恒州武德四年又屬并州貞觀十七年又屬恒州其城內實外險一名嘉陽城房山一名王母山在縣西北五十里漢武帝此山上立祠今王母觀是也

蒲吾故城在縣東二十里

鼓城縣

中

西北至州九十五里

本春秋時鼓子國蓋白狄別種

也又漢曲陽縣地左傳曰晉荀吳圍鼓以鼓子爲鞮歸漢下曲陽屬鉅鹿郡隋開皇六年置昔陽縣十八年改爲鼓城縣屬鹿州大業九年改屬高陽郡貞觀元年屬定州大業二年割入恒州

滹沱水在縣北十三里

魏收墓在縣北七里後魏北齊貴族諸魏皆此邑人也所云鉅鹿曲陽入者是矣

後漢京觀在縣西南七里後漢皇甫嵩攻黃巾賊張

角弟寶於下曲陽首虜千餘人築爲京觀

冀州

信都

開元戶九萬四千一百二十
元和戶八千九百六十七

御一百八十
御四十八

禹貢冀州堯所都也虞及三代同爲冀州地爾雅曰
西河間曰冀州冀近也兩河之間其氣相近春秋特
屬昔七國特屬趙秦爲鉅鹿郡漢高帝分趙鉅鹿立
清河信都常山其信都即今州理是也文帝又分立
河開廣平二郡景帝改信都爲廣川郡後漢初王郎
僭號河北悉應光武自薊南行至下博失道有白頭
公曰弩力信都爲長安守光武至信都太守任光果
開門出迎即今州理是也明帝更名信都爲樂成國

後漢末韓馥爲冀州牧公孫瓚欲龍衣之袁紹使高韓
諷馥令以冀州讓紹馥素性怯因然其計馥長史耿武
諫曰冀州北鄙帶甲百萬穀有十年袁紹孤客窮軍
譬如嬰兒在股掌之上絕其乳哺立可餓殺奈何以
州與之馥不從以州與紹紹遂領冀州牧及曹公破
紹又理之文帝黃初中以鄴爲五都之始移冀州理
信都自石趙至慕容垂或理鄴或理信都符堅用王
猛爲冀州牧鎮鄴後魏冀州亦理於鄴仍於信都焉
舊冀州之理置長樂郡隋開皇三年罷郡爲冀州大
業三年復爲信都郡隋末陷賊武德四年討平竇建

德改為冀州

州境東西二百六十里
南北二百三十六里

八到西南至上都取相州路一千九百里
西南至東都一千四百里
正南微北至趙州一百六十里
西北至深州一百三十里
東北至景州一百一十里
東北至滄州一百二十里

北至瀛州二百四十里
東至德州二百一十五里

貢賦

開元貢絹 賦絹綿

管縣九

信都

衡水

南宮

武邑

下博

武強

棗強

堂陽

阜城

信都縣

望三十

郭下

本漢舊縣信都國後漢屬安平國

後魏屬長樂郡隋開皇三年屬冀州皇朝因之

衡水亦曰長蘆水即濁漳水之下流也西北去縣六

十二里

辟陽故城在縣東南三十五里審食其為辟陽侯

煮棗故城在縣東北五十里漢煮棗侯國城六國時

於此煮棗油後魏及齊以為故事每煮棗油即於此

城

衡水縣

上十八

南至州四十里

本漢桃縣之地隋開皇十六年

於今縣置衡水縣縣在長蘆河西長蘆河則衡漳故

瀆也因以為名

長蘆水縣南二百步

藺相如臺在縣東北十二里

南宮縣望東北至州三十里本漢舊縣屬信都國後漢書

光武自薊南馳至南宮遇大風雨引入道傍空舍馮
異抱薪鄧禹然火帝對竈燎衣即此地也後漢屬安
平國高齊省隋開皇六年復置南宮縣皇朝因之

絳水故瀆縣東南六里

武邑縣上西南至州二十五里本漢舊縣屬信都國後漢屬安平

國高齊省隋開皇六年復置冀州皇朝因之

長蘆水北去縣三十二里

觀津城在縣東南二十五里本趙邑也趙考成王封樂毅

於觀津號望諸君又漢景帝毋竇太后觀津人也

武強湖在縣北三十二里

下博縣上南至州一百里本漢舊縣屬信都國以太山有

博縣故此加下字後漢屬安平國後魏屬長樂郡隋

開皇三年署郡屬冀州十六年屬深州皇朝因之貞

觀年改屬冀州

下博故城在縣南二十里即漢光武失道之處光武

自澤洹南出至此失道不知所之遇白衣老父曰努

力信都為長安守去此八十里從之也

長蘆縣在縣南架長蘆水

武強縣一西南至州一百三十里本漢武隧縣地也屬河間國

晉於此武強縣屬武強郡高齊改屬長樂郡隋開皇

三年改屬冀州貞觀元年改屬深州後屬冀州

武隧故城在縣東三十一里秦破趙將扈輒於武隧

斬首十萬即此也

武強故城在縣西南二十五里漢將嚴不識以擊黥

布功封武強侯後漢王梁為武強侯

棗強縣二十西北至州六十八里本漢舊縣屬清河郡高帝以

留躬為棗強侯其地棗木強盛故曰棗強後魏屬長

樂郡隋開皇三年屬冀州皇朝因之

縣外城即姚弋仲之故壘也

棘津故城在縣東北二十七里左傳曰晉荀吳師涉

自棘津史記曰呂望東海人也老而無遇賣食棘津

堂陽縣上東至州六十五里本漢舊縣屬鉅鹿郡在堂水之

陽按長蘆水亦謂之堂水在縣南二百步縣因取名

後漢屬安平國高齊省隋開皇十六年重置屬冀州

皇朝因之

阜城縣繁西南至州一百四十里本漢舊縣屬渤海郡後漢屬安

平國隋開皇九年改屬觀州大業二年復屬冀州武

德四年復屬觀州貞觀十七年廢觀州又隸冀州

符融壘在縣東北二十四里

深州 上 饒陽

開元戶四萬二千二百一十五
元和戶一萬四千九百一十七

御七十五
五十五

禹貢冀州之域七國時為趙地秦為鉅鹿郡地漢為饒陽縣地屬涿郡隋開皇十六年於饒陽置深州以州西故深城為城大業二年廢深州武德元年討平竇建德四年復置貞觀十七年又廢先天元年於今理重置

州境

東西北九十里

八到

西南至上都取趙州路二千五百里
正西微北至恒州一百八十里
西南至趙州二百里
東南至冀州一百三十里

東七至瀛州一百四十五里

貢賦

開元貢
綺賦
絹

管縣四

陸澤

鹿城

饒陽

安平

陸澤縣 上

即下

本饒陽鹿城二縣地先天元年因

置州割二縣置陸澤縣禹貢大陸既作此縣南三里即大陸之澤曰名之

鹿城縣 上

東至州
二十五里

本漢安定縣地屬鉅鹿郡隋

開皇三年於此置安定縣取漢舊名屬定州十八年改為鹿城取縣東故鹿城為名也改屬冀州貞觀元年改屬深州
衡漳水在縣十里

澤洹河水縣西北四十二里

大陸澤在縣南十里

饒陽縣

望

西南至州三十里

本漢舊縣屬涿郡在饒河之

陽隋開皇三年改屬定州十六年屬深州大業二年

省深州改屬瀛州武德四年屬深州

澤洹河北去縣四十五里

州理城晉魯口城也公孫泉叛司馬宣王征之鑿澤

洹八派水以運糧曰築此城蓋澤洹有魯洹之名因

號魯口後魏道武皇始三年車駕幸魯口即此城也

蕪萋故城在縣東北三十五里隋縣也蓋因東北蕪

萋亭為名

蕪萋亭在縣東北四十五里後漢光武自薊東南馳

晨夜至饒陽蕪萋亭飢甚馮異進豆粥光武曰得公

孫豆粥飢寒俱解公孫異字也

安平縣

上

東西至州五十三里

本漢舊縣屬涿郡高帝以鄂

千秋為安平侯後漢屬博陵郡後魏已來博陵諸崔

即此邑人也隋開皇三年縣屬定州十六年改屬深

州大業二年還屬定州武德四年又屬深州

洹水今名疆河西自定州義豐縣界流入

澤洹河在縣南二十三里

趙州

趙郡

開元戶五萬一千四百三十
元和戶八千一百五十七

鄉九十九
鄉一百一十一

禹貢冀州之域春秋時屬晉戰國時屬趙秦為邯鄲郡地漢為常山郡平棘縣地又為趙國自兩漢及魏皆以封建子弟後魏明帝又於廣阿城置殷州高齊改殷州為趙州曰趙國為名隋開皇十六年又於藥城縣置藥州大業二年廢藥州以縣並屬趙州三年以趙州為趙郡武德元年張志昂舉城端國又改為

趙州

州境

東西北一百五十七里
南西北一百一十七里

八到

西南至上都一千八百九十里西南至東都一千三十里
北至恒州一百里正東微南至冀州一百六十五里

貢賦

東北至景城縣七十里從縣至定州一百一十里
西踰山至太原府五百六十里
開元貢 絲綿絹

管縣九

平棘

元氏

臨城

栢鄉

高邑

贊皇

昭慶

寧晉

藥城

平棘縣

上二十

邨下

本春秋時晉棘蒲邑漢文帝三年

濟北王興居反遣棘蒲侯柴武擊之武帝時又有平棘侯薛澤為丞相益漢初為棘蒲後改為平棘也屬常平郡隋開皇二年改屬趙州十六年改屬藥州大業二年又屬趙州皇朝因之
斯波水縣北三十五里

槐水一名白溝河南去縣二十五里
故欒城縣西北十六里春秋時晉邑

千萬壘縣南一里後漢安帝永初元年以御史任尚
討羗無功檻車徵還羗遂入侵河內趙魏間百姓相
驚北軍侯朱寵將五營兵屯孟津詔魏郡趙國常山
等繕作塢壘六百一十處此即其一也

李左車墓縣西南七里

趙郡李氏舊宅在縣西南二十里即後漢魏以來山
東舊族也亦謂之三巷李家云東祖居巷之東南祖
居巷之南西祖居巷之西亦曰三祖宅巷也三祖李

氏亦有地屬高邑縣

封斯村者李氏舊塋多在封斯

元氏縣

上

東南至州
四十九里

本趙公子元之封邑漢於此

置元氏縣屬常山郡西漢常山大守皆理於元氏後
漢書帝紀云世祖光武皇帝建武四年光武北征彭
寵陰后從行生孝明帝於元氏傳舍又云顯宗孝明
皇帝永平五年冬十月行幸鄴與趙王相會鄴常山
三老言於帝曰上生於元氏願蒙優復詔曰豐沛濟
陽受命所由加息報德適其宜也其後元氏縣田租
更賦六歲賜縣掾吏及門閭走卒錢又云肅宗孝章

皇帝建初七年九月己酉幸鄴勞賜常山趙國吏人復元氏租賦三歲元和三年二月戊辰進幸中山遣使者祠北岳出長城癸酉還幸元氏祠光武顯宗於縣舍正堂明日又祠顯宗於始生堂皆奏樂復元氏租賦三月丙子詔復元氏七年徭役其兩漢元氏縣在今縣西北十五里故城是也晉屬趙國高齊廢隋開皇六年又置元氏縣屬趙州皇朝因之

飛龍山縣西北三十里前趙錄曰河瑞元年王浚使將和弘擊鮮卑務糜部十餘萬東討石勒戰於飛龍山勒師大敗

元氏故城在縣西北十五里即漢之舊縣也兩漢常山太守皆理於此城至隋末爲劉黑闥所破其後移於今所

開業寺在縣西北十五里即後魏車騎大將軍陝定二州刺史尚書令司徒公趙郡李徽伯之舊宅也

臨城縣中東北至州一百里本戰國趙房子邑也漢以爲縣屬

常山郡自漢至隋不改屬趙州皇朝因之天寶元年改名臨城以縣西南十里有古臨城因改名焉

泚水在縣南二里出白土細滑如膏以之濯綿色若霜雪如蜀綿之得江津也故俗稱房子之纈魏都賦

曰織纊房子是

敦與山在縣西南七十里泚水所出

柏鄉縣

上

北至州六十一里

本春秋時晉鄙

音呼各支

邑之地漢

以為縣屬常山郡後漢光武即位於鄙南千秋亭五

城陌因改曰高邑屬常山國高齊天保七年移高邑

縣於漢房子縣東北界今高邑縣是也隋開皇十六

年於漢鄙城南十八里改置柏鄉縣遙取古柏鄉縣

以為名屬藥州大業二年改屬趙州皇朝因之

高邑故縣城縣北二十一里本漢鄙縣也

漢世祖廟一名壇亭縣北十四里鄙縣故城南七里

即世祖即位之千秋亭也後於此立廟故後漢書帝

記云肅宗孝章帝元和三月丙子詔高邑令祠光武

於即位壇是也

高邑縣

上東北至州五十五里

本六國時趙房子邑之地漢以

為縣屬常山郡縣魏屬趙郡高齊天保七年移高邑

縣於其縣城東北十五里今縣是也隋開皇三年改

屬趙州皇朝因之

房子故城在縣西南十五里本漢房子縣也

馮唐墓在縣東北二十八里趙人也

贊皇縣

中

東北至州七十里

本漢鄙邑縣之地屬常山郡隋開

皇六年於此置贊皇縣縣南有贊皇山因以為名屬
樂州大業二年改屬趙州皇朝因之

贊皇山縣東南二十六里穆天子傳曰至房子登贊
皇山

泚水在縣西南三十五里韓信斬陳餘處故李左車
曰陳餘軍敗於鄆下身死於泚水上是也

濟水源出贊皇山西北流去縣南十里此自別是一
濟水應劭以為四瀆誤也

百陵崗在縣東十里即趙郡李氏之別業於此岡下
也岡上亦有李氏塋塚甚多

昭慶縣

皇十五州九十里東北至

本漢廣河縣屬鉅鹿郡後漢省

後魏別置廣河縣隋仁壽元年改為象城縣大業二
年又改為大陸縣屬趙州武德四年復改為象城縣
取縣西北古象城為名天寶元年改為昭慶縣

廣阿澤在縣東二十五里爾雅曰晉有大陸廣阿即
大陸別名淮南子曰鉅鹿大陸廣阿咸一澤也

任敖墓一名七里丘在縣西四里高帝時為御史大
夫封廣阿侯

皇十三代祖宣皇帝建六陵高四丈週回八十丈

皇十二代祖光皇帝啓運陵高四丈週迴六十步二

陵共瑩週迴一百五十六步在縣西南二十里

寧晉縣紫西北至州四十三里本春秋時晉楊氏邑漢以為

縣屬鉅鹿郡晉省後魏於此置慶遙縣屬南鉅鹿郡

隋開皇六年改為慶陶復漢舊名大業二年改屬趙

州天寶元年改為寧晉

藥城縣中東南至州二十九里本漢關縣屬常山郡後漢省

後魏太和十一年於此置藥城縣取平棘縣舊棘城

為名隋屬藥州又改屬趙州皇朝因之

斯波水在縣西北二十里

德州平原開元戶六萬一千七百七十鄉一百十六

禹貢兗州之域春秋時屬齊戰國時亦為齊地秦兼

天下今州秦之齊郡漢分齊郡置平原郡後漢至晉

平原為王國封建子弟後魏文帝於今州置安德郡

隋開皇三年改為德州大業三年罷州為平原郡隋

末陷賊武德四年討平竇建德復為德州

州境東西一百九十五里西南至東都一千七百九十里

八到西南至上都二千五百里東北至棗州二百四十里

西南至博州二百六十里西南至貝州二百三十里

正南渡河至濟州二百四十五里西至冀州二百一十五里

貢賦開元貢綾賦綃綿管縣七 安德 平原 平昌 將陵 安陵

脩縣 長河

安德縣繫二十八

即下

本漢舊縣屬平原郡後魏屬安德

郡隋開皇三年廢郡改屬冀州九年改屬德州皇朝

因之

黃河南去縣十八里

鬲津枯河在縣南七十里禹貢交州九河既道鬲津

即九河之一鬲津至徒駭二百餘里今河雖移不離

此域也

馬頰河縣南五十里

鹿角故關縣東南七十五里

平原縣上

東北至州四十六里

本漢舊縣屬平原郡後漢屬

平原國後魏屬安德郡隋開皇三年罷郡屬冀州九

年改屬德州皇朝因之

黃河在縣南五十里王莽枯河縣南五里

管輅祠縣西南一里

平昌縣上

二十三

西南至州八十里

本漢舊縣屬平原郡後漢屬

平原國隋開皇三年屬滄州十六年改屬德州皇朝

因之

馬頰河在縣南十里義視元年開決又名新河

將陵縣望

二十

南至州五十里

本漢安德縣地屬平原郡隋開

皇十六年於此置將陵縣取安德縣界故城為名屬德州皇朝因之

南津枯河南去縣二十里

王莽枯河西去縣十里

安陵縣望 一百里本漢脩縣地晉立安陵縣屬渤海郡本脩縣之安陵故以為名高齊省隋開皇六年

重置屬冀州九年立觀州縣屬焉皇朝因之貞觀十

七年觀州廢縣割屬德州

脩縣上 東南至州 一百二十里本漢條縣即條侯國也景帝封

周亞夫為條侯漢條縣屬信都國後漢屬渤海郡晉

改條為脩隋開皇三年廢渤海郡屬冀州五年改脩

縣為脩縣音 屬 觀州皇朝武德初亦屬觀州貞觀十

年觀州廢改屬德州

長河縣上 東至州 五十里本漢廣川縣地屬信都國後漢

屬清河國魏封裴秀廣川侯高齊省隋開皇六年復

置屬冀州九年改屬德州仁壽元年改廣川縣為長

河縣皇朝因之

漳水河自貝州漳南縣流入在縣西二十五里

王莽枯河東去縣五里

永濟渠縣西十里

張公故關縣東南七十里

棣州樂安

開元戶二萬五千五百四十五
元和戶五千四百四十七

鄉四十八
鄉一十七

禹貢青州之域春秋為齊地管仲曰北至于無棣漢

為千乘國曹魏屬樂安國晉石苞為樂陵公是也隋

開皇十七年割滄州陽信縣置棣州大業二年廢入

滄州武德四年又置棣州六年又廢貞觀十七年又

置移於厭次縣即今州理是也天寶元年改為樂安

郡乾元元年復為棣州

州境東三百四十九里
南一百四十二里
西南至德州二百四十里

八到西南至德州二百四十里
西南至東都一千四百十里
南至滄州二百一十里

正北微西至滄州一百五十里
西南渡河至齊州二百五十里
門元貢綸十疋 賦絹粟麥

東南至青州三百二十三里
東北至大海二百里

貢賦

管縣五 厭次 滴河 渤海 陽信 蒲臺

厭次縣上 郭下 本漢富平縣屬平原郡後漢更名曰

厭次則厭次前已廢矣相傳以秦始皇東遊厭氣至

碣石次舍於此因名之高齊省隋開皇十六年重置

武德初屬德州貞觀十七年於此置棣州

黃河在縣南三里

滴河在縣南四十里

通海故關在縣西南四十里

滴河縣

上

東北至州八十里

本漢初縣屬平原郡後漢省隋

開皇十六年於此置滴河縣因北有滴河以名之屬

滄州貞觀元年屬德州十七年改為棣州

黃河縣南八十里

滴河縣北一十五里漢武帝鴻嘉四年河水汎溢為

害河隄都尉許昌鑿此河通海故以高字為名後人加

水焉

渤海縣

西至州七十里

本漢蒲臺縣地垂拱四年分置渤海

縣屬棣州在州東一百一十里天寶五年以土地鹹

鹵自縣西移四十里就李丘村置

大海在縣東一百六十里

陽信縣

上

南至州六十里

本漢舊縣屬渤海郡魏屬樂陵

國後魏置樂陵郡隋開皇三年罷郡屬滄州十六年

於陽信縣置棣州武德六年又置屬滄州貞觀十七

年又割入棣州

鉤般河即九河之一經縣北四十里

蒲臺縣

上

西北至州七十五里

本漢濕沃縣地屬千乘國宋

屬樂陵郡隋開皇三年改屬滄州十六年改為蒲臺

縣北有蒲臺因為名也隋末廢武德三年重屬八年

改屬滄州貞觀十七年置棣州割蒲臺屬焉

海在縣東一百四十里

海畔有一沙阜高一丈周迴二里俗人呼爲鬪口淀是濟水入海之處海潮與濟相觸故名今淀上有甘井可食海潮雖大淀終不沒百姓於其下煮鹽

黃河西南去縣七十三里

蒲臺在縣北三十里秦皇築此臺以望海於臺下縈蒲繫焉今蒲生猶縈結

元和郡縣圖志卷第十七